

Мал үвлзүүлгэнд тасрхан

У Г А О Н Ъ Г А Н

Целинн районо, совхозмудин болн «Родина» колхозин 4 миньгъ шаху бод мал эн джил түрүн болдж. Каспийск района «Хагсу Даргъа» гидг газрт үвлэджәнә. Цуг эн эдл-ахусин мал хаша-хаацарн, үвлин туршарт күрх хотарн болн малчнрин бригадмуд бәәх дулан термүдәр күнц теткүдв.

Болв «Родина» колхозин болн «Садовый» совхозин малчнрин онц бригадмуд бәәх гермүдт унтдг орндг, судг стулмуд, радиоприемник, газетмүд болн библиотеке чигн уга. «Балковский» болн «Западный» совхозмудин малчнрин зәрм бригадсар чигн радиоприемник, газет болн библиотеке уга.

Малчнрин күч-көлснә мөнъг өглгън сәәнәр диглгдгә йовдл бәәнә. Мал усар ик татугъар энүнд теткүдджәнә.

Эн үвлзнъгд мана республикин талдан чигн кесг райодин мал үвлэджәнә, теднә мал чигн ик татугъар усар теткүдджәнә. Болв республиканск «Водстрой» эн төрт оньган өгчәхмн уга. Каспийск района потребсоюз эд-тавр гүүлгүгнә кәдлмш ода чигн бүрдәгъад уга.

Эн «Хагсу Даргъад» бәәх малчнр, хоорндан социалистическ дөрлдә делгрүлдж, цуг малан үвләс әрүл-менд сән чинәтә гаргъдж, ик эдл-уш авхин төлә зүткүдж кәдлджәнә.

«Прудовый» совхозин ах үкрч үр

А. Манжулован бригад, «Троицкий» совхозин үкрч үр Гладченкон, «Родина» колхозин үкрчнр үүрмүд А. Куликован, И. Горбикован болн «Западный» совхозин үкрч үр Лиджиеван бригадмуд бод мал болгънд өдр болгън 800 грамм немр өслт өгх болдж батта үгән өгцхәв.

Мана республикин селәнә эдл-ахуш министрств, эдл-ахусин цуг гардачнр, эклц парторганизаци, малин үвлзнъгд бәәх эн малчнрин бәәдлджиргълд, цуг малан усар теткүгънд тасрхан уга оньган үвлин туршарт өгчәх зөвтә.

Л. МАЗИН.

Целинн района күцәгч комитетин ахлач.